



Inatsisartuni ilaasortaq
Erik Jensen, Siumut
/Tamassa

§37 aallaavigalugu Illorsuit pillugu apeqqutinut nr. 191-2021-meersunut akissuteqaatit

Asasara Erik Jensen

Inatsisartut Suleriaasianni § 37, imm. 1 najoqqutaralugu Illorsuarnut tunngasunik Naalakkersuisunut apeqquteqarsimavutit. Apeqqutit uannit akineqartussanngorlugit innersuunneqarput.

Brevdato: 07-01-2022
Sagsnr.: 2021 - 22824
Akt-id: 18866438

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

1. Naalakkersuisut Illorsuit ammaqqinneqarsinnaanissaanut suliuteqarpat?

Akissut:

Illorsuit uterfigalugit najugareqqilernissaannut tunngasunik Naalakkersuisut suliniutinik aallartisaasimangillat. Tamatumunnga tunngavigisaq tassaavoq sumiiffimmi sakkortuunik qaqqat sisoornissaannut allanngorsimangitsumik annertuupilussuarmik aarleqquteqarnera, taamaalillunilu tassaarnersuarnut (tsunaminut) allanngorsimangitsumik annertuupilussuarmik aarleqquteqarluni. Taamaalilluni Illorsuit uterfigalugit najugareqqilernissaannut atasumik allanngorsimangitsumik aarleqquteqartoqarpoq.

2. Qanga kingullermik Illorsuit ammaqqissinnaanera pillugu Naalakkersuisuni isummerfigineqarpa? Qaqugulu nutaamik isummerfiginiar-neqarpa?

Akissut:

Illorsuit uterfigalugit najugareqqilernissaannut tunngasunik Naalakkersuisut aalajangiussaqaarsimangillat. Aamma apeqqut 1-imut akissut takuuk.

3. Naalagaaffiup Illorsuarmit peqatigiiffianut tapersuiniarsimanerugaluat Naalakkersuisut itigartitsisimanagera sumik tunngaveqarpa?

Akissut:

Aningaasaqarnermut Naligiissitaanermullu Naalakkersuisoqarfimmit akissut pissarsiarineqarsimavoq, taassumalu makku ilisimatitsissutigai:

"Illorsuarnut peqatigiiffimmut danskit naalagaaffiat tapersersuisinnaanerannik Naalakkersuisut akerliliisimangillat. 2022-mut danskit aningaasanut inatsisaat pillugu Danmarkimi naalagaaffillu isumaqatiginninniarnerninut atatillugu nunatsinnit folketingimi ilaasortap aappaata Illorsuarnut peqatigiiffimmut aningaasaliinissamik kissaateqarsimanera Naalakkersuisut ilisimavaat. Aningaasaqarnermut Ministereqarfimmit (Finansministereqarfimmit) suliarisamik assorsuaq naatsumik oqaasertalikkatut nassuiaammik Naalakkersuisut allattoqarfiat pissarsiaqarpoq, tassanilu allassimavoq Illorsuarni suliarisanik ammaanissamut erseqqinnerusumik nassuiarneqanngitsumik annertussulimmik aningaasaliissutit atornegartussaanerannik paasinnittoqartoq. Apeqqutinik saqqummiussisut ilisimasaattut isumaqatiginninniarnerni pineqartuni Naalakkersuisut peqataangillat, Danmarkimilu aningaasanut inatsit pillugu oqallittoqarneranut attuumassutilinnik Naalakkersuisut aalajangiisinnaassuseqanngillat. Illorsuarnut tunngasunik qulaajaasunik apeqqutinik ilaqartumik Danmarkimi naalagaaffik atorfilittat inissisimaffigisaasigut Naalakkersuisunut saaffiginnissimavoq. Tassunga atatillugu sumiiffimmik Upalungaarsimanermit Ataatsimiititaliarsuup ulorianartuusutut isiginninneranik, taamaattumillu sumiiffimmi suliaqarnissat inassutigineqarsinnaannginnerinik Danmarkimi naalagaaffik ilisimatineqarpoq."

4. Naalakkersuisut Illorsuarmit peqatigiiffianut tapersersuippat?

Akissut:

Aningaasaqarnermut Naligiissitaanermullu Naalakkersuisoqarfimmit akissut pissarsiarineqarsimavoq, taassumalu makku ilisimatitsissutigai:

"Naalakkersuisut nikerartut 17. juuni 2017-imiilli nunaqarfinit taakkunanit marlunnit innuttaasut eqqugaasut tapersersorlugillu ikiortarsimavaat. Piffissami pinasuartumik iliuuserisanut sivisunerusumillu iliuuserisanut koruunit 130 millionit sinneqartut immikkoortinneqarsimapput. Angerlarsimaffissat nutaat, pequtit nutaat, piniutit nutaat qularnaarneqarput, aammalu sumiiffimmi najugaqarnissamut aarleqqutaasup annertuumik paasiniarneqarnera aallartisarneqarluni. Illorsuarni aamma Nuugaatsiami najugaqarnermi suli annertuumik aarleqquteqartoqartoq, taamatuttaaq kangerlummi sumiiffiit najugaqarfigisat sinnerinut tassaarnersuaqarnissamut aarleqquteqartoqartoq 2021-mi apriilip qaammataani nalunaarusiap aalajangiuppaa. Ilisimasat tamakku Naalakkersuisut erninnaartumik iliuuseqarfigai, paasissutissaasullu tamaasa saqqummiullugit. Sumiiffimmi innuttaasut ataatsimiisinnissaat Naalakkersuisut toqqarpaat, tamakkunatigut innuttaasut eqqugaasut ilisimasanik pisarialinnik pissarsinissaat qularnaarfiginiarlugit, aammalu sumiiffimmi siunissaminnut isummernissamut periarfissiniarlugit.

Pisarialittut aarleqqutissanik nalilersuinerit naammassisinnaanissaat, aammalu innuttaasunut eqqugaasunut aarleqqutaasunik annikillisaasunik suliaqarnerit aallartisarnissaat siunertarlugit qaqqaq paasineqartutut aalakkaasuunngitsaq anginerpaaq "Karrat 3" sammisaqarfigalugu nakkutilliinissamik aaqqissuussiffiup atuutsilernissaa kissaatigineqarpoq. 2022-mut aningaasanut

inatsimmi aningaasanut inatsisip isumaqatigiissuteqarfiunerata ilaatut siunertamut tassunga 2022-mi 4,4 mio. kr.-t, aammalu 2023-mi 4,9 mio. kr.-t immikkoortinneqarput. 2019-imiilli Danmarkimi naalagaaffiup aamma Namminersorlutik Oqartussat Kalaallit Nunaanni qaqat sisoornissaannut annertuumik aarleqqutaasut GEUS-imut misissortissimavaat. Danmarkimi naalagaaffiup 15 mio. kr.-t, aammalu Namminersorlutik Oqartussat 9 mio. kr.-t aningaasaliissutigaa, taamaalillunilu Kalaallit Nunaanni sumiiffiit aarlerinartoqarfiusut 18-it 2022-p tungaanut erseqqinnerusumik misissorneqarumaarput.

Taamaalilluni innuttaasunut eqqorneqartunut taakkununga Naalakkersuisut tunniussaattut ingerlanneqartuumik annertuumillu tapersersuisoqarnera pillugu qularutissaqartoqanngilaq."

5. Naalakkersuisut Illorsuarmit peqatigiiffiata tapiiffigineqarnissaannut kukkusimanertik nassuerutigisartik aaqqiiffiniarlugu aningaasaliissutaasussaagaluit matussusernissaannik pilersaaruteqarpat?

Akissut:

Aningaasaqarnermut Naligiissitaanermullu Naalakkersuisoqarfimmit akissut pissarsiarineqarsimavoq, taassumalu manna ilisimatitsissutigaa:

"Inussiarnersumik apeqqu 3-mut akissutaasoq takutsiariuk."

6. Naalakkersuisut allanik paasissutissaasinnaasunik peqarpat?

Akissut:

Naamik, massakkorpiaangitsoq.

Inussiarnersumik inuulluaqqusillunga,


Kalistat Lund